

Firmamento, Decori, ac Provectioni F.F.
Eremitarum Discalc. S. Augustini.

reſtaMento aperto CLangenDæ pletatls,
ornaMento Llbero aDeptæ paCls,
oſtento apto CoMpLenDæ annosltatls.

Sanctorum Reliquiæ.

SACRAS reliquias, & Sanctorum Lypsana in templo Cæsareo ser-
vata, recensuri, à majore illa ænea cruce initium facimus, quæ
Margaritæ Hispaniarum Infanti Leopoldi M. Conjugi dono data,
per eam Ecclesiæ nostræ Clementissimè donata est. Crux hæc fu-
sorio opere facta, inque varia loculamenta distincta, quæ cry-
stallô teguntur, sequentes Reliquias in se complectitur: *S. Cru-*
cis Particulam, in qua Salvator Reconciliationis nostræ
opus consummavit, SS. Andreae, & Thomæ App. Stephani
Proto-Mart., S. Augustini Ep. & Conf., S. Antonii Abb.
SS. Ignatii, & Francisci Xaverii, SS. Dionysii, Valen-
tini, Victoris, Justini, & Claudiani M. M., S. Fran-
ciscæ Romanæ, S. Rosaliæ Panormitanæ, & S. Theodo-
ræ Virginis, & Martyris; Quas Reliquias Julius Spinola S.
Sedis Legatus Apostolicus Eidem Imperatrici abs se donatas, genui-
nas, & de corpore Sanctorum, quos diximus, sumptas fuisse,
sequente scriptô fidem fecit:

* Crux æ-
nea reliq.
referta.

JULIUS Spinola, DEI & Apostolicæ Sedis Gratiâ Archi-
Episcopus Laodicensis, Sanctissimi in Christi Patris,
& Domini N. D. Alexandri Divinâ Providentiâ Pa-
pæ VII. Prælatus Domesticus, & Assistens, ejusdem-
que & S. Sedis Apostolicæ apud Sac. Cæsaream Majesta-
tem Leopoldi in Imperatorem electi, nec non per Ger-
maniam, Hungariam, Bohemiam, Styriam, Carin-
thiam, Carnioliam, Croatiam, Goritiam, Tyrolim,
Universumque Romani Imperii Districtum cum Faculta-
te Legati de Latere Nuntius. Reliquiæ de Ligno S. Cru-
cis; SS. Andreae, & Thomæ Apostolorum, Stephani
Proto - Martyris, Augustini Episcopi, Antonii
Abba-

Abbatis, Ignatii de Loyola, Francisci Xaverij, Dionysii, Valentini, Victoris, Justini, & Claudiani MM. Sanctarum Franciscæ Romanæ, Rosaliæ Panormitanæ, & Theodoræ Virginis, & Martyris, è Sacrariis authenticè approbatis fideliter fuerunt depromptæ, illasque solenni sedulitate Cruci ex metallo fuso deaurato elaboratæ sub crySTALLIS in ea distinctis, apponi, & conservari curavimus. Quam quidem Crucem eisdem reliquiis decoratam, in quovis loco pio, & conspicuo expositam, à fidelibus Catholicis adorandam, Nos in documentum obsequii Sacræ Cæsareæ, & semper Augustissimæ Imperatricis Sponsæ Margaritæ, tanquam Paradyfi Clavem, Imperii Sceptum, pacis firmentum, & omnium bonorum abundantem Datricem, devotè exhibemus. Confisi, quòd sicut in Cruce Domini nostri Jesu Christi, exemplo Majorum Sua Majestas gloriatur, sic in hoc Sacratissimo humanæ salutis signo, videbit Filios, Filiorum suorum adversùs portas inferi gloriosè triumphantes. In fidem &c. Viennæ 5. Mens. Dec. 1666.

Julius Archi-Ep. Laod, Nunt. Apost.

* Reliquiæ
de Pollice
S. P. Aug.

Præter supra dictas S. Patris Augustini Reliquias, partem quoque ossis de pollice manûs dexteræ ejusdem possidemus, illius videlicet portionem instrumenti, quò Regulam suis, Ecclesiæ bono innumeros propè libros scripsit. Hæc conditoriò argenteò magni pretii, cui Imperialis corona superposita, servatur. Eodem prorsùs modò Sanguinis, qui de Corpore S. Nicolai Tolent. Ord. Nostri multis ab obitu annis fluxit, cùm brachium ejus dextrum aliò transferendum, abscissum est.

* De Sanguine
S. Nicolai Tolent.

* Dens S.
Apollon.
V. Mart.

Dens S. Apolloniæ V. & Mart. donum Augustissimæ Domûs Austriacæ, quem Leopoldina Imp. Dux Tyr. collo, dum vixit, pendulum gestavit, ultimis ejus tabulis nostræ Ecclesiæ cedit. Frequens ejus est veneratio præprimis die, & S. Martyri sacra. Pluribus, pium huic reliquiæ impensum osculum, præsentissimum adversùs dentium, & gingivæ dolores fuit amuletum.

* Corpus S.
Victor, M.

S. Victoris M. Corpus, Romæ ex Cœmeterio Cyriacæ ad nos translatum, per Celsissimum, & Reverendissimum S. R. I. Principem Philippum Fridericum Episcopum Viennensem recognitum, aræ S. Caroli Borromæi impositum, colitur. Quis securam non dicat Triumphorum Austriam, Palatino in Templo Lauros, * & Victoriam domesticam habet?

* Sacell.
Laurei,

S. Cor-